



Broj: 06- 9031/17

Sarajevo, 26.02.2017. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“, broj 35/05), člana 4. i člana 22. Zakona o izvršavanju Budžeta Kantona Sarajevo za 2016. godinu („Službene novine Kantona Sarajevo“, broj 53/16), člana IV, stav 1. tačka 1.1 Odluke o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, broj 9/06, 15/07, 35/12 i 29/15) i člana 10. stav 1. tačka e) Zakona o javnim nabavkama BiH („Službeni glasnik BiH“, br. 39/14), Ministar za boračka pitanja donosi:

ODLUKU

1. Odobrava se plaćanje iznajmljivanja Dancing dvorane „Doma mladih“ – Centar „Skenderija“ u svrhu održavanja programa „U susret 1. martu – Danu nezavisnosti BiH“ na dan 28.02.2017. godine.
2. Ministarstvo za boračka pitanja Kantona Sarajevo i KJP Centar „Skenderija“ doo će potpisati ugovor kojim će regulisati međusobna prava i odnose.
3. Ukupni troškovi iznajmljivanja dvorane sa instaliranim mobilijarom, priključkom električne energije, parking mjestom za reportažno i link vozilo i goste i ostalim uključenim sadržajem, a što će biti precizirano Ugovorom iz tačke 2.ove Odluke, iznose 3.360,24 KM sa uključenim PDV-om.
4. Sredstva iz tačke 3. ove Odluke će se uplatiti na račun KJP „Centar Skenderija Sarajevo“ na osnovu ispostavljen fakture, a na teret odgovarajuće pozicije Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300, subanalitika DAN021 „Projekat "Opsada i odbrana Sarajeva 92-95" (skupštinska Odluka 01-05-12123/06 od 23.03.2006.) - nekapitalni podprojekti“.
5. Ova odluka stupa na snagu danom donošenja.

O b r a z l o ž e n j e

Ministarstvo za boračka pitanja Kantona Sarajevo na osnovu Odluke o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, broj 9/06, 15/07, 35/12 i 29/15), te programa i plana aktivnosti, planira organizaciju obilježavanja 1. Marta – Dana nezavisnosti Bosne i Hercegovine. Ove godine se obilježavanja 25. godišnjica proglašenja nezavisnosti Bosne i Hercegovine.

Za potrebe osiguranja adekvatne lokacije ponudu je uputio KJP Centar „Skenderija“ d.o.o. Sarajevo, koji u predviđenom terminu (28.2.2017. godine) može osigurati adekvatan prostor (Dancing dvorana Doma mladih) za održavanje manifestacije kao i parking prostor ispred objekta za smještaj vozila gostiju i učesnika. Prostor posjeduje kompletan odgovarajući mobilijar.



Članom 10. stav 1. tačka e) Zakona o javnim nabavkama ("Službeni glasnik BiH", br. 39/14) (Izuzeća od primjene odredbi ovog Zakona) je, između ostalog precizirano, da su od primjene odredaba Zakona o javnim nabavkama BiH izuzeti ugovori o zakupu nepokretne imovine.

U cilju realizacije manifestacije Ministarstvo za boračka pitanja Kantona Sarajevo i KJP Centar „Skenderija“ doo će potpisati ugovor kojim će regulisati međusobna prava i odnose.

S obzirom na navedeno te činjenicu da su na odgovarajućoj budžetskoj poziciji u Budžetu Kantona Sarajevo za 2017. godinu planirana potrebna sredstva riješeno je kao u dispozitivu ove Odluke.

Dostaviti:

- Sektor za ekonomske poslove,
- a/a



MINISTAR

Muharem Fišo
mr.Muharem Fišo